

David Britten di compania BIC N.V

“Nos ta bayendo full speed aworaki” riba Plaza Betico Croes



ORANJESTAD – Aña a habri cu un desaroyo nobo riba Plaza Betico Croes. Ta asina cu e plasa aki ta pasando den un trabou di renobacion y embeyece-mento cu mester bin cla

prome cu dia 18 di Maart, Dia Nacional di Himno y Bandera.

Den combersacion cu Bon Dia Aruba, sr. David Britten di e compania Better In-

frastructure Company (BIC N.V) cu a gana e destaho publico pa e parti pafo di e plasa a bisa cu e trabou cu nan ta realisando tin di haber cu e parti civil. E ta envolvi e lantamento di klinkernan cu lo wordo reemplasa cu klinkernan nobo. Nan lo realisa un diferente diseño di loka nan a haya fei DOW.

El a bisa cu tin posibilidad cu nan lo bin cla cu e trabou aki prome cu e fecha stipula di dia 18 di Maart venidero. “Nos ta bayendo full speed aworaki. Tur cos ta defini kico nos mester haci y nos planificacion ta cla”, el a bisa.

Nan tin nan trahado disponibel pa duna continuidad na e trabou mirando cu e klinkernan mester yega eventualmente e siman aki. P’esey unbes cu nan a kita e klinkernan bieu nan a cuminsa tapa mesora pa asina haci tur lo posibel pa keda cla prome cu dia 18 di Maart. □

